

EN'DAAT' MZINIGAN EZHI MIIN'GA'WEW'ZID
En'daat' Mzinigan ezhi Miin'ga'wew'zid

3(1) Kina gwa e'miz'ni'ga'nid gbe'ying gbe'shii'gami'gong daa dbaam'daa'naa'waa kina zhiwe en'daa'jig wii mnaa'den'mind'waa miinwaa wii aas'gaab'wit'wind'waa :

AABDEG WII MNAA'DENJ'GAAZ'WAAD

1. Kina wiyaa end'ni'zid daa'aan mii'ga'wew'zi'win wii mina gi'na'waab'min miinwaa wii minaa'den'min zhiwe'gwa kina gwa wiya yaaw'wit, manj'gwa iidig'ezh'gaab'wi'gwenh, enj'baa'gwenh, e'naaz'gwenh, esh'twaa'gwenh, ezhi nii'zhoo'de'gwenh, end'sa biboon'giz'gwenh, end'gwenh ji'niib'wi'gwenh maa'ge e'maanj'miz'gwenh.
2. Kina wiyaa end'ni'zid daa'aan waa' zhe'yaat miinwaa ezhi naawk'ni'maadi'zad.
3. Kina wiyaa end'ni'zid daa'aan wii naawk'ni'ge'en'dang wiin.nji wii mnaa'denj'gaa'den'nig.

MIIN'GA'WEW'ZID JIIB'WAA NSHI'NAA'JIIK'WIN MIINWAA JIIBWAA MSAA'MIN

4. Kina wiyaa end'ni'zid daa'aan jii'b'waa nshi'naa'jiikl'win.
5. Kina wiyaa end'ni'zid daa'aan jii'b'waa msaa'min gii'we e'miz'na'gan'jig miinwaa en'kii'taa'ge'jig.

MIIN'GA'WEW'ZI'WIN WII SHPI'SING MINA MAAD'ZI'WIN

6. Kina wiyaa end'ni'zid daa'aan we'weni wii giig'dad, we'weni wii nboch'in miinwaa waa'nag wii gi'noo'naad wiya jii'b'waa ngaash'mig'wad.
7. Kina wiyaa end'ni'zid daa'aan wii wiich'kii'wen'dang miinwaa wii zhi'tood ezhi ngod'we'aa'ngi'zid zhiwe end'ni'zid gbe'ying gbe'shii'gamigong.

8. Kina wiyaa end'ni'zid daa'aan miin'ga'wew'zi'win wii maa'too'kiid aaj'kin'gaanhsing ezhi nda'wen'dang, giishpin tem'gag a'we tinow.
9. Kina wiyaa end'ni'zid daa'aan wii tkweshk'waad wiid'ge'maag'nan maa'ge gwa bkaan wi'ya tem'gag wiya waan'ji'gi'noo'nin nchi'ke.
10. Kina wiyaa end'ni'zid daa'aan wii da'ne'ang waa zhi nboch'wed, waa zhi na'maad, miinwaa ge zhi kshkew'zi'pa wiin ga'ye waa zhi mnen'dang miinwaa ge gshki'too'pa.
11. Kina wiyaa end'ni'zid daa'aan wii waa'kiit miinwaa wii bii'naawg'di'nig en'daat.
12. Kina wiyaa end'ni'zid daa'aan wii yang waa zhi waan'kiid wii mnen'daawg'zid ko'jiing gaa'dash wiig'wa giishpin zhi'naawg'si'nog wii waan'kiim'gag
13. Kina wiyaa end'ni'zid daa'aan ji gna'wendang ga'ye deben'daas'win, miz'nich'gan'nan deb'naag gwa deb'sin'nig.
14. Kina wiyaa end'ni'zid daa'aan wii min'zhaan'dang zhoon'yaam dash wiig'wa gaa'wii mam'daa giishpin de'gshkit'maa'sig.
15. Kina wiyaa end'ni'zid daa'aan wii naag'dood ezhi miin'gwew'zid.

**MIIN'GWEW'ZI'WIN WEN'JI'SHING NAAG'DA'WEN'MI'GOO'WIN
MIINWAA NCHI'KE GET'NAAM'END'MOO'WIN**

16. Kina wiyaa end'ni'zid daa'aan wii yang wen'ji'shing waa daad, waa mii'jid, we'weni wii naag'doo'wen'min ezhi mi'ne'zid.
17. Kina wiyaa end'ni'zid daa'aan wii wiind'moo'win ezh'bii'gaa'znid wii naag'da'wen'mig'god zhi'gwek go.
18. Kina wiyaa end'ni'zid daa'aan ji yang'ba wiin gweta ji waab'mind'ba nchi'ke pii miik'win.
19. Kina wiyaa end'ni'zid daa'aan,
 - i. Ji wii'doo'kaaz'pa zhich'gaa'deg, wii maa'jiib'de'nig, wii nda'kend'ming miinwaa giish'pin wii aanch'toong ezhui gna'wen'min,

- ii. Wii miig'wet maa'ge wii aawg'ne'tang ge'goo waa zhi miik'win, naag'da'wenj'ge'win maa'ge wii na'kiit'win ezhi nda'wen'daag'wag miinwaa wii ken'dang ezh'we'bag miig'weng maa'ge aawg'net'mang,
 - iii. Wii'doo'kaa'zang moosh'kin gegoo naawk'ni'ge'win ezhi gna'wen'mi'goong, miinwaa gegoo naawk'ni'ge'win nji biing'i'geng, zaag'jiit'mang maa'ge aash'ta aan'jiing miinwaa wii deb'na'ming wiya yaabi be'kaan'zid en'end'ang kina gwa wiya nji ezh'gaab'wit,
 - iv. Wii deb'ngang wiya ezhi zhi'bii'gaa'de'nig ezh'gaab'wit zhiwe *Personal Health Information Protection Act, 2004* wii zgak'sin'nig zhinda miinwaa giish'pin wii gna'waab'dang pa piichin daa kshki'toon wiin.
20. Kina wiyaa end'ni'zid daa'aan, a'we e'yaab'jib'de'nig miinwaa e'waan'kiim'gad'nig wii aas'gaab'wi'taag'wad ni'we enaag'da'wen'mig'jin wiw'ying, nda ned'moo'win, ezhi nboch'wed miinwaa ezhe'yaat miinwaa bi'maad'zi'win we'weni wii miik'win ezhi mi'ne'zid.
21. Kina wiyaa end'ni'zid daa'aan, wii yaaw'waad wiich'kii'wenh'yin, wiya ezhi ngod'we'aan'gi'zid maa'ge go wiya getchi pii'ten'maa'jin wii aas'gaab'wi'taag'wad zhiwe enji miz'nig'gan'waad maa'ge en'kii'taa'gen'jin giishpin gegoo temgag wii nji tkweshk'daa'ding.
22. Kina wiyaa end'ni'zid daa'aan wiya wii gwe'nwaam'aat waa naad'maawg'jin waa aan'ki'noot'maag'wad giishpin wii aan'jiid maa'ge aawk'zii'gam'gong wii biindiged miinwaa we'wiip ji wiind'mow'win.
23. Kina wiyaa end'ni'zid daa'aan wii deb'ngang naag'da'wend'win miinwaa naad'maa'ge'win wii nchi'ke'aaw'gaab'wing wii aand'ji'maach'taa'win ni'ke'aah gezhi nishing'ba.
24. Kina wiyaa end'ni'zid daa'aan wiib'waa maanj'mip'zang, giishpin dash wiig'wa njida ezh'bii'gaa'deg zhiwe ezhi nda'wsen'daag'wag.

Gna'waab'dan : Gwa'ding gwa giizhigag da dibaa'te zhiwe Kitchi Gimaa'naang, da ki'doo'na'gad zhiwe 24 da zhibii'gaa'de 3(1) E'dbizh'gem'gag da naaw'bii'gaa'de mi'gaa'de 'maan'j'miz'win' mem'kaach dash 'maan'j'miz'win maa'ge tkob'zad' (Waab'dan: 2021, c. 39, Sched. 1, s. 203 (3))

Kina wiyaa end'ni'zid daa'aan wii miin'ind naag'da'wenj'ge'win miinwaa na'kii'taad'win zhi'we gna'wen'mi'goong jii bwaa maajaang naawk'ni'ge'win.

25. Kina wiyaa end'ni'zid waa nbwad maa'ge owa getchi aawk'zid daa'aan wiya zhiwe wii yaa'nid gbe'giizhig

AABDEG WII WIIND'MOO'WIN, WII WII'DOO'KAA'ZAD, MAA'GE WII BAA'TAA'YID

26. Kina wiyaa end'ni'zid daa'aan wii maa'jii'bi' moo'win zhiwe tinow ge zhi na'kii'twin'ba miinwaa waa'zhi baa'taa'ying.

27. Kina wiyaa end'ni'zid daa'aan wii wii'doo'kaa'zad zhiwe End'niz'jig Gii'taad'bi'waad.

28. Kina wiyaa end'ni'zid daa'aan miin'go'wew'zi'win wii dbaa'tang maa'ge wii dbaaj'mad ge zhich'geng'ba zhiwe naawk'ni'ge'win wiinwaa nji maa'ge gwa yaabi aan'nind maa'ge aan'nind ezhi tkob'za'waad wiya jii bwaa dgishk'ged, maa'ge jii bwaa naawk'naad niwe zhiwe end'daan'jin maa'ge gwa yaa'bi be'kaan'zin'jin :

- i. Endaa'jig Gii'taad'bi'waad.
- ii. Ezhi Ngod'we'aan'giz'jin Gii'taad'bi'waad
- iii. E'miz'ni'ga'nid, miinwaa giishpin ni'we mez'na'gan'nid get'chi shpi'gaab'win'gwenh, maa'ge gwa zhiwe getchi gimaaw'jig dbish'koo gbe'shii'gamig e'bgid'ni'gaa'deg Part1X, wiya zhiwe de'ben'daawg'zid miik'ming naa'ma'ying section 135 maa'ge gwa zhiwe e'zoong'dab'jig section 128 maa'ge 132.

- iv. En'kii'taa'ge'jig
- v. Kitchi Gimaa'naang en'kii'twaa'jig
- vi. Maa'ge gwa wiya be'maad'zid biin'ja'ying maa'ge zaag'ja'ying zhiwe gbeying dniz'win en'daang.